

SESIÓN EXTRAORDINARIA DO PLENO MUNICIPAL DO DÍA 22 DE DECEMBRO DE 2020

No salón de sesións da casa do Concello de Cambre, ás vinte horas e catorce minutos do día vinte e dous de decembro de dous mil vinte, baixo a presidencia do señor alcalde, don Óscar A. García Patiño, reúnese en sesión extraordinaria, en primeira convocatoria, o Pleno municipal.

Faise constar que o atraso de 14 minutos respecto da hora fixada na orde do día da convocatoria debeuse á celebración da sesión conxunta das comisións informativas ordinarias convocada con anterioridade á celebración do Pleno.

Asisten os señores concelleiros don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta, de UxC; dona Lúa Sanguiniedo Álvarez, don Miguel Ángel Gutiérrez Nieto, dona Patricia María Parcero Quiñoy e don Diego Alcantarilla Rei, do PSdeG-PSOE; don Juan María Abalo Castex, dona María Jesús González Roel e dona Marta María Vázquez Golpe, do PP; don Daniel Carballada Rodríguez e don Brais Cubeiro Fernández, do BNG; don Raúl Varela Fraguío e dona Sandra Sánchez Vieites, de AV; e integrando o Grupo Mixto, dona María Olga Santos López, de EU-Son en Común e dona María José García Hidalgo, de C's.

Asisten don Francisco Javier Ulloa Arias, interventor, e dona Maria Luisa de la Red Ampudia, secretaria xeral.

Segundo establece o artigo 130.1 do Regulamento orgánico municipal, no Concello de Cambre as actas do pleno municipal adoptan o sistema de videoactas.

De acordo co previsto no artigo 130.2, apartado 1º do citado texto normativo, o presente documento correspóndese coa acta sucinta da sesión extraordinaria do Pleno municipal do día 22 de decembro de 2020, que xunto coa gravación dispoñible no enderezo electrónico <http://plenos.cambre.es> (ID: Video_202012221914420000_FH), constitúe o documento público e oficial de videoacta desta sesión.

Faise constar que en cada punto da orde do día desta acta sucinta, inclúese a referencia temporal do comezo da gravación do dito punto, isto co fin de facilitar a súa localización.

Aberto o acto pola presidencia, examináronse os asuntos incluídos na orde do día da convocatoria.

1. Aprobación, se procede, da modificación do Plan estratéxico de subvencións 2020-2023 para o exercicio 2021

Acceso á videoacta – 00:00:14 horas

Vista a proposta da Alcaldía, de data 10 de decembro de 2020, que consta do seguinte teor literal:

«O Plan estratéxico de subvencións 2020 - 2023, apróbase polo Pleno da Corporación en sesión ordinaria do día 19 de decembro de 2019, con carácter supletorio da correspondente ao día 26 de decembro.

Para o seu seguimento conta cunha comisión de seguimento e avaliación, a cal debe reunirse para a súa actualización, nos termos do establecido no art 4.2 do PES.

«4.2. Modificación do PES.

Segundo o artigo 14.1 do Regulamento da LGS, o plan estratéxico poderá ser actualizado anualmente en 2021, 2022 e 2023 coa información relevante dispoñible e remitida por cada un dos departamentos.

A actualización realizarase antes da aprobación dos orzamentos, tendo en conta particularmente o previsto nas leis anuais de Orzamentos Xerais do Estado. A indicada actualización realizarase por parte do Grupo para o seguimento e a avaliación e someterase a aprobación do pleno, e será publicitada nos mesmos termos que a aprobación do mesmo.»

Aínda que se prevé a actualización anual, a pandemia ocasionada pola propagación do COVID-19, que provocou a declaración do estado de alarma polo Real decreto 463/2020 de 14 de marzo, para a xestión da situación de crise sanitaria ocasionada polo COVID-19, motivou a súa modificación en xuño de 2020.

Para o exercicio 2021 presentase novos retos e por iso debemos de levar a cabo unha segunda modificación do PES, para un exercicio no que buscaremos unha saída á crise sanitaria para afrontarnos a unha crise económica.

Tendo isto en conta, convocouse a comisión de seguimento e avaliación para a aprobación dunha proposta da modificación do PES 2020/23 para o exercicio 2021, a cal, reunida en sesión de data 7 de decembro de 2020, propón ao Pleno a adopción dos seguintes acordos:

Primeiro: Aprobar a modificación do Plan estratéxico de Subvencións 2020-2023 para o exercicio 2021, co seguinte tenor literal:

ÍNDICE

1. Introducción. Obxectivos xerais pretendidos ca modificación do 2º PES do Concello de Cambre

2. Principais medidas por cada unha das liñas de subvencións do Concello de Cambre.

- 2.1. Área 1. **Acción social.**
- 2.2. Área 2. **Educación + servizos complementarios**
- 2.3. Área 3. **Promoción cultural**
- 2.4. Área 4. **Festexos e tradicións populares**
- 2.5. Área 5. **Promoción e fomento do deporte**
- 2.6. Área 6. **Promoción empresarial**
- 2.7. Área 7. **Transporte**
- 2.8. Área 8. **Outras**

3. Competencia na modificación do PES, publicidade e transparencia do PES.

- 3.1. Competencia na modificación do PES.
- 3.2. Publicidade do PES
- 3.3. Transparencia do PES.

Anexo: Fichas individualizadas das liñas de subvencións tras a modificación.

1. INTRODUCCIÓN. OBXECTIVOS XERAIS PRETENDIDOS CA MODIFICACIÓN DO 2º PES DO CONCELLO DE CAMBRE

A elaboración do Plan Estratéxico de Subvencións do 2020-2023 concibiuse como a continuidade no exercicio dunha auténtica planificación estratéxica das políticas públicas de contido subvencional desenvolvidas polo municipio. A pandemia

que se desatou ao comenzo do ano 2020 por mor do virus denominado COVID-19 e a declaración do estado de alarma polo goberno central ven a trastocar moitos dos obxectivos para 2021 deste PES.

A necesidade de apostar e fortalecer áreas como benestar social ou promoción económica fan necesario adaptar o vixente PES a realidade actual. É por iso que este PES modificouse no ano 2020 para adaptalo a nova realidade e debe continuar sendo adaptado no exercicio 2021 para facer fronte a situación de pandemia e potencial recuperación que se de ó longo do exercicio que entra.

Esta modificación opérase só para a anualidade 2021 deixando supeditadas novas modificacións en exercicios seguintes ao avance das necesidades e a detección das mesmas.

Sendo o PES a ferramenta para conseguir unha maior eficacia no cumprimento dos obxectivos da actividade subvencional, esperase que continúe a ser un instrumento útil que sirva para mellorar a situación económica das nosas veciñas e veciños.

Esta modificación non opera nos demais elementos do PES posto que se manteñen os seguimentos, avaliacións, controis financeiros etc...

2. PRINCIPAIS MEDIDAS POR CADA UNHA DAS LIÑAS DE SUBVENCIONS DO CONCELLO DE CAMBRE.

2.1. Área 1. Acción social.

As principais variacións nesta área son establecer o importe de 260.000,00 € en emerxencia social e declarar de novo esta liña como ampliable en función da demanda da mesma. Esta liña segue a considerarse prioritaria e poderá aumentarse para atender todas as necesidade que sexan demandadas polas veciñas e veciños que cumpran os requisitos da ordenanza reguladora **sen máis limitación que a existencia de consignación orzamentaria**. Para iso cunha frecuencia bimensual será analizada esta partida por unha comisión mixta intervención-servizo sociais presidida polo Alcalde para, no caso de detectar unha potencial falta de crédito, suplementar esta aplicación mediante modificativo de crédito que terá prioridade fronte a calquera gasto corrente ou subvención do orzamento.

Tamén consolidase o incremento de 10.000 euros nas subvencións de libre concorrência e de 2.000 € na nominativa outorgada a ADRA para priorizar aqueles programas relacionados co COVID19 e os efectos derivados deste.

2.2. Área 2. Educación + servizos complementarios

Procede a recuperarse o saldo das ANPAS, ca esperanza de que poidan realizarse as actividades durante o novo exercicio que se inicia e se reforza o programa **Mañanceiro** elevando o mesmo ata os 100.000 €. De non poder ser realizadas as actividades, valorarase unha modificación á baixa das mesmas.

2.3. Área 3. Promoción cultural.

Mantéñense os importes.

2.4. Área 4. **Festexos e tradicións populares.**

Procede a recuperarse o saldo de subvencións nos importes inicialmente previstos no PES aprobado para o exercicio 2020.

2.5. Área 5. **Promoción e fomento de deporte.**

Mantéñense os importes.

2.6. Área 6. **Promoción empresarial.**

A principal variación nesta área é o incremento de 10.000,00 € na subvención Consolida Cambre, e 60.000,00 € na subvención a Asociacións de Empresarios, co obxectivo de protexer e dar soporte ao tecido produtivo para minimizar o impacto da crise sanitaria ocasionada polo Covid - 19 e lograr que se produza canto antes unha reactivación da actividade dos comercios, e unha nova liña "Desfruta Cambre" dotada de 70.000,00 € para apoiar a hostalaría municipal, con un programa novedoso no que se pretende facer participes ós veciños.

O incremento de 60.000,00 € correspondente á subvención a asociacións de empresarios vai dirixido a apoiar a adopción das medidas precisas para garantir o desenvolvemento da actividade económica de conformidade coas circunstancias derivadas da crise sanitaria ocasionada polo Covid - 19, facilitando a adopción por parte das empresas e establecementos locais integrados nas asociacións existentes dos protocolos, medidas e recomendacións hixiénicas e de distanciamento establecidas polas autoridades competentes para poder desenvolver as súas actividades e seguir mantendo a competitividade no novo escenario, facendo un fincapé na adaptación dos nosos comercios a venta on line.

2.7. Área 7. **Transporte.**

Sen variacións na mesma.

2.8. Área 8. **Outras.**

Sen variacións na mesma.

3. APROBACIÓN DA MODIFICACIÓN, PUBLICIDADE E TRANSPARENCIA DA MODIFICACIÓN.

3.1. Aprobación da modificación do PES 2020-2023 do Concello de Cambre.

O órgano competente para a aprobación da modificación do Plan Estratéxico de Subvencións é o Pleno municipal, dado que se trata dun instrumento de planificación estratéxica da actividade subvencional ou de fomento e de xestión económica, de acordo co previsto no apartado e) do artigo 22.2 da Lei 7/1985, de 2 de abril, de bases de réxime local.

3.2. Publicidade do PES 2020-2023.

O acordo plenario pola que se proceda á modificación do PES 2020-2023 será comunicado aos xefes de cada área.

Igualmente publicarase a modificación na páxina web municipal (www.cambre.org) séndolle de aplicación así mesmo calquera outras disposicións en materia de información e transparencia previstas en cada momento no ordenamento xurídico.

3.3. Transparencia

Todas as subvencións concedidas polo concello, en cada unha das súas liñas estratéxicas, programas de axuda e convocatorias serán publicadas durante o mes seguinte a cada trimestre natural, de acordo cos artigos 30 e 31 do Regulamento da Lei 38/2003, xeral de subvencións, na web municipal (www.cambre.org) no Tablón de anuncios físico, no Boletín Oficial correspondente, cando sexa necesario, e na Base de Datos Nacional de Subvencións, indicando o beneficiario, a contía concedida e o proxecto ou acción á que vai destinado.

Anexo: Fichas individualizadas das liñas de subvencións.

Acción Social	Área 1	Código 1.1
AXUDAS EMERXENCIA SOCIAL		
a. Obxectivo estratéxico	Consiste en facerse cargo dos gastos correspondentes a axudas de emerxencia social das que se benefician familias usuarias do departamento de Servizos Sociais, as cales precisan dunha resposta urxente e inmediata a necesidades de carácter primario. Dirixese a familias que se encontran desprotexidas e con escasos recursos económicos.	
b. Obxectivo específico	<ul style="list-style-type: none"> a. Priorizar as necesidades básicas (alimentación, saúde,...) para un adecuado desenvolvemento persoal e físico facendo fincapé en aqueles colectivos afectados polo estado de alarma decretado polo goberno central. b. Manter a familia como unidade básica de convivencia c. Axudar á familia a atravesar determinadas situacións críticas por carecer de recursos económicos suficientes para unha digna calidade de vida d. Facer fronte a situacións de desprotección e. Evitar situacións de marxinación f. Axudar a conseguir a súa autonomía económica g. Conseguir a súa integración social 	
c. Prazo	Anual	
d. Custo presupostado	260.000 € (ampliables sen límite máximo)	
e. Fonte de financiamento	Recursos propios e Deputación provincial (POS + 2021).	
f. Procedemento de concesión	Concesión directa	
g. Plan de actuación	Por procedemento legalmente establecido para este tipo de axudas coas limitacións establecidas nas leis sectoriais.	

Acción Social	Área 1	Código 1.2
ASOCIACIÓNS SEN ANIMO DE LUCRO DE CARÁCTER SOCIAL		
a. Obxectivo estratéxico	Contribuír ao fomento das actividades das entidades sen ánimo de lucro de acción social no desenvolvemento de aquelas que benefician aos veciños e veciñas de Cambre no ámbito social (actividades con persoas en risco de exclusión social por razón da súa discapacidade ou circunstancias de natureza económica ...)	
b. Obxectivo específico	<ul style="list-style-type: none"> h. Satisfacer as necesidades básicas (alimentación, saúde,...) para un adecuado desenvolvemento persoal e físico. i. Axudar ás familia j. Facer fronte a situacións de desprotección k. Evitar situacións de marxinación l. Axudar a conseguir a súa autonomía funcional e social m. Conseguir a súa integración social n. Se priorizarán actividades relacionadas cos colectivos mais afectados pola pandemia do Covid-19 	
c. Prazo	Anual	
d. Custo presupostado	30.000,00 €	



CONCELLO DE
CAMBRE
R.E.L. 01150177

e. Fonte de financiamento	Recursos propios.
f. Procedemento de concesión	Libre concorrència
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria

Acción Social	Área 1	Código 1.3
BONOTAXI PARA PERSOAS CON DIVERSIDADE FUNCIONAL E MOBILIDADE REDUCIDA		
a. Obxectivo estratéxico	Contribuir a proporcionar un medio alternativo de transporte adaptado a aquelas persoas con diversidade funcional, gravemente afectadas na súa mobilidade, e que teñan dificultades para utilizar o transporte público colectivo, e así poder mellorar o pleno desenvolvemento dunha vida social autónoma.	
b. Obxectivo específico	- Favorecer a súa autonomía - Fomentar a integración deste colectivo - Facilitar unha vida social activa e autónoma	
c. Prazo	Anual	
d. Custo presupostado	15.000,00 €	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria.	

Acción Social	Área 1	Código 1.4
ADRA - TEMPLE		
a. Obxectivo estratéxico	Atender aos colectivos máis vulnerables do municipio de Cambre, centrándose fundamentalmente no reparto de alimentos, roupa, produtos de hixiene persoal e para a limpeza, material escolar,...	
b. Obxectivo específico	Dotar dun espazo á entidade para que se preste unha atención personalizada aos colectivos máis vulnerables do municipio de Cambre, para axudar a cobertura das súas necesidades básicas de subsistencia	
c. Prazo	Anual	
d. Custo presupostado	5.000,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Educación	Área 2	Código 2.1
BECAS DE ESTUDO		
a. Obxectivo estratéxico	Fomentar o estudo	
b. Obxectivo específico	Favorecer a escolarización dos veciños e veciñas de Cambre en idade escolar.	
c. Prazo	Anual	
d. Custo presupostado	24.000,00 €	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria	

Educación	Área 2	Código 2.2
PROGRAMA MAÑANCEIRO		
a. Obxectivo estratéxico	Fomentar accións encamiñadas á conciliación da vida laboral e familiar	
b. Obxectivo específico	Favorecer a conciliación da vida familiar e laboral das familias de Cambre con nenos e nenas en idade escolar.	
c. Prazo	Anual	
d. Custe da achega	100.000,00 €	
e. Fonte de financiamento	Recursos propios	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realízase a través da asunción	



CONCELLO DE
CAMBRE
R.E.L. 01150177

	polo concello de parte do custo do servizo e o establecemento de bonificacións ás tarifas a aboar polo usuario, tal e como se aproben polo Pleno e se estableceza nos pregos da licitación.
--	---

Educación	Área 2	Código 2.3
EDUCATIVAS LIBRE CONCORRENCIA		
a. Obxectivo estratéxico	Fomentar actividades nos centros educativos	
b. Obxectivo específico	Favorecer o desenvolvemento de actividades de promoción educativa, cultural e deportiva nos centros escolares	
c. Prazo	Anual	
d. Custe da achega	8.000,00 €	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases da convocatoria.	

Educación	Área 2	Código 2.4
ANPA CEIP W. FDEZ FLOREZ		
a. Obxectivo estratéxico	Promoción do deporte e a cultura; fomentar accións encamiñadas á conciliación da vida laboral e familiar	
b. Obxectivo específico	Apoiar o desenvolvemento de actividades culturais e deportivas	
c. Prazo	Anual	
d. Custo presupostado	30.120,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Educación	Área 2	Código 2.5
ANPA CEIP PORTOFARO		
a. Obxectivo estratéxico	Promocionar o deporte e a cultura; fomentar accións encamiñadas á conciliación da vida laboral e familiar	
b. Obxectivo específico	Apoiar o desenvolvemento de actividades culturais e deportivas	
c. Prazo	Anual	
d. Custo presupostado	20.020,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Educación	Área 2	Código 2.6
ANPA CEIP EMILIO GONZÁLEZ LÓPEZ		
a. Obxectivo estratéxico	Promocionar o deporte e a cultura; fomentar accións encamiñadas á conciliación da vida laboral e familiar	
b. Obxectivo específico	Apoiar o desenvolvemento de actividades culturais e deportivas	
c. Prazo	Anual	
d. Custo presupostado	19.759,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Educación	Área 2	Código 2.7
ANPA CEIP G. TORRENTE BALLESTER		
a. Obxectivo estratéxico	Promocionar o deporte e a cultura; fomentar accións encamiñadas á conciliación da vida laboral e familiar	



CONCELLO DE
CAMBRE
R.E.L. 01150177

b. Obxectivo específico	Apoiar o desenvolvemento de actividades culturais e deportivas
c. Prazo	Anual
d. Custo presupostado	22.589,60 euros
e. Porcentaxe máx. da achega	90%
f. Fonte de financiamento	Recursos propios.
g. Procedemento de concesión	Nominativa
h. Plan de actuación	Sinatura de convenio

Educación	Área 2	Código 2.8
ANPA CEIP O GRAXAL		
a. Obxectivo estratéxico	Promocionar o deporte e a cultura; fomentar accións encamiñadas á conciliación da vida laboral e familiar	
b. Obxectivo específico	Apoiar o desenvolvemento de actividades culturais e deportivas	
c. Prazo	Anual	
d. Custo presupostado	20.342,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Promoción cultural	Área 3	Código 3.1
CULTURAIS LIBRE CONCORRENCIA		
a. Obxectivo estratéxico	Favorecer a iniciativa cidadán organizada para o desenvolvemento de eventos de natureza cultural, no respecto dos valores democráticos.	
b. Obxectivo específico	Organización de actividades periódicas e/ou actos puntuais de natureza cultural para a poboación en xeral.	
c. Prazo	Anual	
d. Custo presupostado	29.000,00 € (25.000 € gasto corrente e 4.000 € investimento)	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución esta liña estratéxica, realizarase mediante a elaboración das correspondentes bases de convocatoria	

Promoción cultural	Área 3	Código 3.2
ASOCIACIÓN SEMENTEIRA CAMBRE		
a. Obxectivo estratéxico	Favorecer o desenvolvemento persoal e comunitario e a comunicación por medio da linguaxe universal por excelencia, a música.	
b. Obxectivo específico	- Proporcionar unha formación musical teórica e práctica de base á poboación interesada - Realizar espectáculos musicais de carácter afeccionado para disfrute da poboación.	
c. Prazo	Anual	
d. Custo presupostado	63.000,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Promoción cultural	Área 3	Código 3.3
FUNDACIÓN W. FERNÁNDEZ FLÓREZ		
a. Obxectivo estratéxico	Facilitar o desenvolvemento persoal e comunitario por medio do coñecemento e da práctica de distintas manifestacións culturais: o teatro, a literatura e outras tradicións culturais (a música tradicional)	
b. Obxectivo específico	- Proporcionar espazos para a lectura de obras literarias, para o encontro e o diálogo con artistas, a formación e a experimentación do teatro afeccionado e a música vocal tradicional. - Realizar espectáculos de música, teatro, encontros con artistas, escritores, etc, á poboación.	
c. Prazo	Anual	



CONCELLO DE
CAMBRE
R.E.L. 01150177

d. Custo presupostado	12.000,00 €
e. Porcentaxe máx. da achega	90%
f. Fonte de financiamento	Recursos propios.
g. Procedemento de concesión	Nominativa
h. Plan de actuación	Sinatura de convenio

Festexos e tradicións populares	Área 4	Código 4.1
COMISIÓNS DE FESTAS LIBRE CONCORRENCIA		
a. Obxectivo estratéxico	Apoiar a iniciativa cidadán para a organización de diversas actividades de ocio e tempo libre respectando os valores democráticos.	
b. Obxectivo específico	Canalizar os intereses veciñais e organizar eventos públicos de natureza festiva para o ocio e tempo de lecer.	
c. Prazo	Anual	
d. Custo presupostado	47.000,00 € (40.000 € festas e 7.000 € traslado aparellos)	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria	

Deportes	Área 5	Código 5.1
ASOCIACIÓNS DEPORTIVAS LIBRE CONCORRENCIA		
a. Obxectivo estratéxico	Contribuír ao fomento das entidades deportivas municipais	
b. Obxectivo específico	- Apoiar ás entidades no desenvolvemento das súas actividades deportivas - Apoiar ás entidades na adquisición de equipamentos deportivos - Apoiar ás entidades nos desprazamentos a competicións deportivas fóra da comunidade autónoma	
c. Prazo	Anual	
d. Custo presupostado	43.000 € (22.000 € gasto corrente, 8.000 € formación, 7.000 € investimento e 6.000 € desprazamentos de equipos de deportistas e material deportivo)	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria	

Deportes	Área 5	Código 5.2
BOLSAS DEPORTISTAS		
a. Obxectivo estratéxico	Contribuír ao fomento dos deportistas de Cambre	
b. Obxectivo específico	Apoiar o desenvolvemento e promoción dos deportistas de Cambre a nivel nacional /europeo/ mundial	
c. Prazo	Anual	
d. Custo presupostado	15.000,00 €	
e. Fonte de financiamento	Recursos propios.	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria	

Deportes	Área 5	Código 5.3
CAMBRE BALONCESTO		
a. Obxectivo estratéxico	Promoción do deporte escolar e federado	
b. Obxectivo específico	Apoiar o desenvolvemento e promoción do baloncesto, especialmente o escolar e de base	
c. Prazo	Anual	
d. Custo presupostado	9.000,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	



CONCELLO DE
CAMBRE
R.E.L. 01150177

Deportes	Área 5	Código 5.4
CLUBS DE FÚTBOL DE CAMBRE		
a. Obxectivo estratéxico	Promoción do deporte escolar e federado	
b. Obxectivo específico	Apoiar o desenvolvemento e promoción do fútbol, especialmente o escolar e de base	
c. Prazo	Anual	
d. Custo presupostado	31.000,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Deportes	Área 5	Código 5.5
CLUB CICLISTA CAMBRE		
a. Obxectivo estratéxico	Promocionar o deporte escolar e federado	
b. Obxectivo específico	Apoiar o desenvolvemento e promoción do ciclismo especialmente o escolar e de base	
c. Prazo	Anual	
d. Custo presupostado	31.000,00 €	
e. Porcentaxe máx. da achega	90%	
f. Fonte de financiamento	Recursos propios.	
g. Procedemento de concesión	Nominativa	
h. Plan de actuación	Sinatura de convenio	

Promoción económica	Área 6	Código 6.1
CONSOLIDACAMBRE		
a. Obxectivo estratéxico	Incentivar o mantemento de empresas e fomentar a actividade económica de acordo co disposto na lei 38/2003, do 17 de novembro, xeral de subvencións e na Lei 9/2007, do 13 de xuño, de subvencións de Galicia e demais normativa de aplicación	
b. Obxectivo específico	Contribuír á consolidación de empresas no municipio de Cambre, o que contribuirá á dinamización e fortalecemento do noso tecido empresarial e polo tanto, a seguir xerando emprego no noso territorio, dando apoio ás empresas para minimizar o impacto e lograr que, unha vez finalizada a alarma sanitaria, se produza canto antes unha activación da actividade	
c. Prazo	Anual	
d. Custo presupostado	60.000,00 €	
e. Fonte de financiamento	Recursos propios.	
f. Procedemento de concesión	Libre concorrencia	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria pública.	

Promoción económica	Área 6	Código 6.2
SUBVENCIONS Á ASOCIACIONES DE EMPRESARIOS		
a. Obxectivo estratéxico	Colaboración cos axentes económicos do municipio na dinamización das actividades comerciais e competitividade das empresas locais.	
b. Obxectivo específico	<ul style="list-style-type: none">- Facilitar a adopción das medidas necesarias para garantir o desenvolvemento da actividade empresarial local no novo escenario derivado da crise sanitaria ocasionada polo Covid - 19.- Fomentar o asociacionismo empresarial no municipio.- Mellora da competitividade das actividades empresariais.- Posta en marcha de campañas comerciais para o fomento das vendas no municipio.- Mantemento do comercio e da hostalería no municipio.	
c. Prazo	Anual	
d. Custo presupostado	90.000,00 €	
e. Fonte de financiamento	Recursos propios.	
f. Procedemento de concesión	Libre concorrencia	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria	



CONCELLO DE
CAMBRE
R.E.L. 01150177

Promoción económica	Área 6	Código 6.3
INCENTIVOS Á CONTRATACIÓN LABORAL TEMPORAL DOS PARTICIPANTES NO PROXECTO OBRADORIO DE EMPREGO "PROXEDIS PROWEB"		
a. Obxectivo estratéxico	Inserción laboral do alumnado traballador do proxecto Obradorio de Emprego "PROXEDIS PROWEB"	
b. Obxectivo específico	<ul style="list-style-type: none">- Impulsar a contratación laboral do alumnado traballador do proxecto "PROXEDIS PROWEB".- Mellorar o perfil profesional do alumnado traballador a través da adquisición de experiencia laboral en centros ou entidades adicados ao coidado de persoas dependentes no ámbito da terceira idade e a discapacidade.- Conseguir que o perfil profesional e curricular de noso alumnado traballador sexa máis competitivo no mercado de traballo.	
c. Prazo	Anual	
d. Custo presupostado	30.000,00 €	
e. Fonte de financiamento	Comunidade Autónoma de Galicia (subvención para o proxecto "PROXEDIS PROWEB")	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria pública	

Promoción económica	Área 6	Código 6.4
PROGRAMA DESFRUTA DE CAMBRE		
a. Obxectivo estratéxico	Apoiar a Hostalería, como sector prexudicado, fomentando o consumo nos nosos bares e restaurantes e xerar sinerxías cos mesmos	
b. Obxectivo específico	<ul style="list-style-type: none">- Dar a coñecer a Hostalería cambresa- Facer partícipes ós veciños e veciñas deste programa.- Reactivar o consumo nun dos sectores mais minguados pola crise.	
c. Prazo	Anual	
d. Custo presupostado	70.000,00 €	
e. Fonte de financiamento	Recursos propios	
f. Procedemento de concesión	Libre concorrència	
g. Plan de actuación	O plan de actuación para a execución desta liña estratéxica, realizarase mediante a elaboración das correspondentes bases de convocatoria pública	

TRANSPORTE	Área 7	Código 7
TRANSPORTE METROPOLITANO		
a. Obxectivo estratéxico	Establecer melloras na comunicación do núcleo de Cambre coas parroquias así como as liñas interurbanas.	
b. Obxectivo específico	<ul style="list-style-type: none">- O fomento do transporte público como alternativa sostible ao transporte privado.- Fomentar as comunicacións de todas as parroquias.- Evitar o illamento de núcleos peor comunicados- Evitar o illamento de persoas que non poidan conducir vehículos privados.	
c. Prazo	Anual	
d. Custo presupostado	160.000,00 € (ampliable conforme liquidación da Xunta)	
e. Fonte de financiamento	Recursos propios.	
f. Procedemento de concesión	Conforme a convenio da Xunta	
g. Plan de actuación	Sinatura de convenio coa Xunta	

Outros	Área 8	Código 8
SUBVENCIÓN GRUPOS POLÍTICOS		
a. Obxectivo estratéxico	Colaborar no mantemento dos grupos políticos.	
b. Obxectivo específico	<ul style="list-style-type: none">- Fomentar a participación política.- Custear gastos de traballo dos grupos.- Permitir o traballo dos diversos grupos representados no pleno de maneira digna	
c. Prazo	Anual	
d. Custo presupostado	33.000,00 €	
e. Fonte de financiamento	Recursos propios	

f. Procedemento de concesión	Mixta (nominativa condicionada a bases de execución e acordo plenario)
g. Plan de actuación	Regulada en bases de execución e acordo plenario

Segundo: Publicar a modificación do Plan estratéxico de Subvencións 2020-2023 na paxina web municipal (www.cambre.es), e dar conta aos xefes das áreas municipais afectadas.»

Visto o ditame favorable emitido pola Comisión Informativa de Presidencia, Economía, Facenda, Recursos Humanos e Desenvolvemento Socioeconómico de data 15 de decembro de 2020.

Sometido o asunto a votación ordinaria do Pleno municipal, votan a prol os oito concelleiros de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguñedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei) e os dous concelleiros de AV (don Raúl Varela Fraguío e dona Sandra Sánchez Vieites). Votan en contra os dous concelleiros do BNG (don Daniel Carballada Rodríguez e don Brais Cubeiro Fernández). E abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's).

O Pleno municipal, por catorce votos a prol, aprobou a proposta tal e como foi transcrita.

2. Aprobación, se procede, do Orzamento xeral e do cadro de persoal do Concello de Cambre para o exercicio 2021

Acceso á videoacta – 00:04:02 horas

Vista a proposta da concelleira delegada da Área de Economía, Facenda e Recursos Humanos, de data 2 de decembro de 2020, que consta do seguinte teor literal:

“Confeccionado o proxecto de Orzamento Xeral do Concello de Cambre para o exercicio 2021, que inclúe exclusivamente o do Concello.

Visto que a súa estrutura orzamentaria se axusta ás normas contidas na Orde de 3 de decembro de 2008 do Ministerio de Economía e Facenda (Orde EHA/3565/2008), publicada no BOE número 297, do 10 de decembro, aplicable aos orzamentos correspondentes ao exercicio 2010 e seguintes, modificada pola OM HAP/419/2014, de 14 de marzo.

Visto que o estado de gastos recolle os créditos necesarios para atender as obrigas esixibles durante o ano 2021 e o estado de ingresos as previsións razoables dos ingresos que se prevén liquidar.

Visto que o orzamento xeral contén toda a documentación prevista na lexislación vixente.

De conformidade cos artigos 168 do Real decreto legislativo 2/2004, de 5 de marzo (TRLFL) e 90 da Lei 7/1985, de 2 de abril, reguladora das bases de réxime local,

Propoño ao Pleno do Concello de Cambre a adopción dos seguintes acordos:

Primeiro: Aprobado inicialmente o Orzamento Xeral do Concello de Cambre para 2021, xunto cos seus anexos e Bases de execución, por importe de 18.503.830,72 euros, co seguinte resumo por capítulos:

CAPÍTULO INGRESOS	TOTAL	CAPÍTULO GASTOS	TOTAL
OPERACIÓNS CORRENTES		OPERACIÓNS CORRENTES	
1 IMPOSTOS DIRECTOS	6.567.175,51	1 GASTOS DE PERSOAL	6.848.627,29



CONCELLO DE
CAMBRE
R.E.L. 01150177

2 IMPOSTOS INDIRECTOS	175.000,00	2 GTOS. BENS CTES. E SERV.	7.646.149,21
3 TAXAS E OUTROS INGRESOS	2.861.003,20	3 GASTOS FINANCEIROS	17.000,00
4 TRANSFERENCIAS CORRENTES	8.013.109,22	4 TRANSFERENCIAS CORRENTES	1.576.768,98
5 INGRESOS PATRIMONIAIS			
Total Operacións Correntes	17.616.287,93	Total Operacións Correntes	16.088.545,48
OPERACIÓN DE CAPITAL		OPERACIÓN DE CAPITAL	2.415.285,24
6 ALLEAMEN. INVESTIMENTOS REAIS	0,00	6 INVESTIMENTOS REAIS	2.147.604,69
7 TRANSFERENCIAS DE CAPITAL	647.704,79	7 TRANSFERENCIAS DE CAPITAL	11.000,00
8 ACTIVOS FINANCEIROS	28.610,00	8 ACTIVOS FINANCEIROS	28.610,00
9 PASIVOS FINANCEIROS	211.228,00	9 PASIVOS FINANCEIROS	228.070,55
Total Operacións de Capital	887.542,79	Total Operacións de Capital	2.415.285,24
TOTAL INGRESOS	18.503.830,72	TOTAL GASTOS	18.503.830,72

Segundo: Expoñer ao público o anuncio de aprobación inicial por prazo de quince días hábiles mediante anuncio no *Boletín Oficial da Provincia* e no taboleiro de edictos do Concello, para os efectos de que os interesados poidan examinalo e efectuar as reclamacións ante o Pleno, que consideren oportunas.

No caso de que non se presentasen reclamacións considerárase definitivamente aprobado o Orzamento Xeral do Concello para o 2021.

Terceiro: Aprobar o cadro de persoal do Concello de Cambre para o ano 2021 segundo se transcribe a continuación:

CADRO PERSOAL 2021

PERSOAL FUNCIONARIO

Denominación da Praza	PAZAS	GRUPO-SUBGRUPO	Escala	Subescala	Clase
Secretaría Xeral	1	A1	Habilitación estatal.	Secretaría	Superior
Interventor	1	A1	Habilitación estatal.	Intervención-Tesourería	Superior
Tesoureiro	1	A1	Habilitación estatal	Intervención-Tesourería	Superior
Técnico	2	A1	Administración Xeral	Técnica	
Arquitecto	1	A1	Administración Especial	Técnica	Técnicos superiores
Enxeñeiro de camiños, canles e portos	1	A1	Administración Especial	Técnica	Técnicos superiores
Bibliotecaria-arquiveira	1	A1	Administración Especial	Técnica	Técnicos superiores
Coordinador actividades culturais e educativas	1	A1	Administración Especial	Servicios especiais	Cometidos especiais
Coordinador de servizos sociais	1	A1	Administración Especial	Servicios especiais	Cometidos especiais
Axente de desenvolvemento local	2	A1	Administración Especial	Servicios especiais	Cometidos especiais
Técnico de promoción económica	1	A1	Administración Especial	Servicios especiais	Cometidos especiais
Técnico de xestión	2	A2	Administración xeral	Xestión	
Aparellador	1	A2	Administración Especial	Técnica	Técnicos medios
Enxeñeiro técnico industrial	1	A2	Administración Especial	Técnica	Técnicos medios
Enxeñeiro técnico de obras públicas	1	A2	Administración Especial	Técnica	Técnicos medios
Graduado social	1	A2	Administración Especial	Técnica	Técnicos medios
Técnico de xestión económico-financiera	2	A2	Administración Especial	Técnica	Técnicos medios
Traballadora social	3	A2	Administración Especial	Técnica	Técnicos medios
Educador social	2	A2	Administración Especial	Técnica	Técnicos medios
Dinamizador cultural	1	A2	Administración Especial	Servicios especiais	Cometidos especiais
Inspector policía local	1	A2	Administración Especial	Servicios especiais	Policía Local
Coordinador deportivo	1	B	Administración Especial	Técnica	Técnicos auxiliares
Administrativo	6	C1	Administración Xeral	Administrativo	
Delineante	1	C1	Administración Especial	Técnica	Técnicos auxiliares
Encargado de obras	1	C1	Administración Especial	Servicios especiais	Cometidos especiais
Encargado de servizos	1	C1	Administración Especial	Servicios especiais	Cometidos especiais
Animador xuvenil	1	C1	Administración Especial	Servicios especiais	Cometidos especiais
Animador deportivo	2	C1	Administración Especial	Servicios especiais	Cometidos especiais
Oficial policía local	2	C1	Administración Especial	Servicios especiais	Policía Local
Policía local	22	C1	Administración Especial	Servicios especiais	Policía Local



CONCELLO DE
CAMBRE
R.E.L. 01150177

Administrador sistema informático	1	C1	Administración Especial	Técnica	Técnicos auxiliares
Informático auxiliar	1	C1	Administración Especial	Técnica	Técnicos auxiliares
Auxiliar administrativo	26	C2	Administración Xeral	Auxiliar	
Auxiliar réxime interior	1	C2	Administración Especial	Servicios especiais	Cometidos especiais
Auxiliar turismo	1	C2	Administración Especial	Servicios especiais	Cometidos especiais
Auxiliar biblioteca-arquivo	6	C2	Administración Especial	Servicios especiais	Cometidos especiais
Auxiliar monitora 3ª idade	1	C2	Administración Especial	Servicios especiais	Cometidos especiais
Axente protección civil	4	C2	Administración Especial	Servicios especiais	Cometidos especiais
Informador xuvenil	1	C2	Administración Especial	Servicios especiais	Cometidos especiais
Conserxes	16	Outras agrupacións profesionais	Administración Xeral	Subalterna	
Capataz de brigada de obras	1	Outras agrupacións profesionais	Administración Especial	Servicios especiais	Persoal de oficios
Oficial obras	1	Outras agrupacións profesionais	Administración Especial	Servicios especiais	Persoal de oficios
Operario parque móbil e inmobles	1	Outras agrupacións profesionais	Administración Especial	Servicios especiais	Cometidos especiais.
Operario condutor	2	Outras agrupacións profesionais	Administración Especial	Servicios especiais	Persoal de oficios
Operario servizos	3	Outras agrupacións profesionais	Administración Especial	Servicios especiais	Persoal de oficios
Asistente domiciliaria	1	Outras agrupacións profesionais	Administración Especial	Servicios especiais	Cometidos especiais
PERSONAL EVENTUAL					
Denominación posto de traballo			Número de prazas		
Asesor/a Alcaldía			2		
Secretaría/o obras e servizos			1		
Secretaría/o de benestar social			1		
Asesor/a de patrimonio			1		
Resumo					
Persoal funcionario			132		
Persoal eventual			5 (un ao 50% da xornada)		

O expediente exporase ao público na Intervención municipal polo prazo de 15 días hábiles, contados dende o seguinte ao da inserción deste anuncio no *Boletín Oficial da Provincia*, coa finalidade de que as persoas interesadas poidan realizar as reclamacións que consideren oportunas.

No caso de que non se presentasen reclamacións considerárase definitivamente aprobado o Cadro de Persoal do ano 2021, de conformidade co disposto no artigo 126 do real Decreto legislativo 781/1986, polo que se aproba o Texto Refundido das disposicións legais vixentes do Réxime local, remitindo copia ao Ministerio de Administracións Públicas, e ao órgano competente en materia de réxime local da Comunidade Autónoma, dentro do prazo de trinta días, sen prexuízo da súa publicación íntegra no *Boletín Oficial da Provincia* xunto co resumo do orzamento.

Visto o ditame favorable emitido pola Comisión Informativa de Presidencia, Economía, Facenda, Recursos Humanos e Desenvolvemento Socioeconómico de data 15 de decembro de 2020.

Sometido o asunto a votación ordinaria do Pleno municipal, votan a prol os oito concelleiros de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta) e os catro concelleiros do PSdeG-PSOE (dona Lúa Sanguinredo Álvarez, don Miguel Ángel Gutiérrez Nieto, dona Patricia María Parcero Quiñoy e don Diego Alcantarilla Rei). Votan en contra os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), os dous concelleiros do BNG (don Daniel Carballeda Rodríguez e don Brais Cubeiro Fernández) e os dous concelleiros de AV (don Raúl Varela Fraguío e dona Sandra Sánchez Vieites). E abstéñense as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's).

O Pleno municipal, por doce votos a prol, aprobou a proposta tal e como foi transcrita.



CONCELLO DE
CAMBRE
R.E.L. 01150177

E non habendo máis asuntos que tratar, o señor presidente levantou a sesión cando son as vinte e unha horas e vinte e un minutos, do que eu, secretaria xeral, certifico.

O presidente

Óscar A. García Patiño

A secretaria xeral

Maria Luisa de la Red Ampudia